



Iserit A/S Kalaallit Nunaanni siullerpaatut piujuaannartitsisumik uppernarsaatitalimmik Nuummi illuliorpoq

Iserit A/S Nuummi innuttaasunut nutaanik inissialiuleruttorpoq. Suliniut silleq Pinguaraqami ingerlanneqassaaq, tassani DGNB-mut aqqissuussaq, aamma nunatsinnut aqqissuunneqarsimasoq, naapertorlugu ilaqutariinnut inissiat 48-t piujuaannartitsinermik uppernarsaatillit sanaartorneqassapput.

Nunatta illoqarfiini inissaaleqineq atugaavoq, sualummik Nuummi. Kommunip inissiatileqatigiiffiata nalilerpaa ukiut tulliuuttut qulit iluini inissiat 2.000-t nutaat atorfissaqartinneqarumaartut.

Kommuneqarfik Sermersooq aamma Iserit A/S taamaammat Nuummi nutaanik inissialiornissamat pilersarusioqatigiissimapput. Pilersaarummi siullertut suliniut Pinguaraq sanaartorneqassaaq, Iserit A/S-illu inissianik suliniutip tullissaa DGNB-mut akuerisassanngorlugu ilanngullugu aallartisareepaa. Inissiasat nunatsinni siullerpaajullutik DGNB-p malitassiai naapertorlugit piujuaannartitsisut uppernarsaatteqassapput. DGNB Deutsche Gesellschaft für Nachhaltiges Bauen-imit naalisagaavoq aallaavittullu tyskit aqqissuusaraat, nunanut tamalaanut Europami CEN-ip malitassiaanut najugaqarfinilu sanaartoriaatsinut naleqqussarlugu siaruarsimasoq. DGNB-p Naalagaaffit Peqatigiit nunarsuarmi anguniagai ikorfartorluarpai pissutigalugu DGNB-mut akuersissutip avatangiisinut, aningaasaqarnermut inuiaqatigiinnullu tunngasut assigiimmik pingaaruteqartimmagit.

Kalaallit Nunaanni DGNB

Suliniut Pinguaraq tassaavoq ukiunik sisamanik siviussusilerlugu tunngaviumik isumaqatigiissummut ilaasoq, Iserit A/S-illu sanaartornermik ingerlatsinissap pitsaaneruumik pilersarusiorumallugu piukkunnartussarsiuussimasaa. Tamanna aamma Nuummi sanaartormi suliaqarfiup iluani ujartorneqarsimavoq; pisortat sanaartortitsisut neqeroruteqartarneranni siumut eqqoriaruminassuseq.

Soraarnerussutisiassanut aningaasaateqarfiit annertuut arllallit aningaasaliinissaminut soqutiginnittut oqaloqatigereernerisa kingornali piumasaqaatigineqarpoq neqeroortitsinermi DGNB-mik uppernarsaatteqartoqarnissaq. Ajorluartumik illunik namminersortunik pigineqartunik attartortitsineq pillugu suliaq ingerlanneqartoq aningaasaliisunut nalornilersitimavoq, suliallu inernissaa utaqqissavaat. Iserit A/S-ip pisortaa, Torben Kortegaard suliaq pitsaasumik inerneqassasoq neriuutigaa: "Takorloorneqarsinnaavoq suliaq aalajangiiffigineqareerpat soraarnerussutisiassanut aningaasaateqarfiit suliniummumut peqataanissaminut soqutiginnissasut. Ilaatigut maani nunatsinni illuuteqarnissamat, nunanut allanukartarnermiit, SISA aningaasaliisnaappat Kalaallit Nunaanni inuiaqatigiin-

nut iluaqutaassagaluarpog. Taamaasilluni nunatsinni soraarnerussutisiassamat ileqqaarutit Kalaallit Nunaanni inuiaqatigiit naleqartitaannut aamma, ilaatigut soraarnerussutisiassanut SISA-mut ileqqaarisartunut, inissiat amerlatsinissaanut tapersiinnaassaaq."

Iserit A/S nunatsinni illoqarfiit pingaarnersatta kommuneqarfianiit pigineqarpoq, Kommuneqarfik Sermersuumiit, kommuneqarfullu allaffiani Nuummiittumi Borgmesterip Charlotte Ludvigsenip suliniut nuannaarutigaa.

"Nuummi pisortat inissiaataannik amerlanerusunik sanaartortitsinissarput pingaaruteqarpoq, aamma namminersortunit aningaasaliiffigineqartarnerinut periuseq siunissami inissiarpassuarnik sanaartornissamat atorneqarsinnaalluarpoq. Sanaartornerup aamma piujuaannartitsisussaana nuannaarutigeqaara, pissutigalugu sammisat avatangiisinut inunnullu tunngasut qitiutikkatsigit", taama Charlotte Ludvigsen oqarpoq.

Leif Hansen bygherrerådgivning Nuuk ApS Iserit A/S-imut neqeroortitsinermut atugassanik suliaqarsimavoq, DGNB-mullu aqqissuussaq Green Building Council Danmarkimiittoq suleqatigalugu isumagisimallugu. Carsten Pietras, Leif Hansen bygherrerådgivning Nuuk ApS-ip pisortata uppernarsaat arlaannut akuliusimanngitsoq innersuusutigaa: "Kalaallit Nunaanni avatangiisinut, aningaasaqarnermut inunnullu tunngatillugu piujuaannartitsinissamat naliliineq angusaqarluarniartuussaaq, naleqquttumilli. Taamaammat aqqissuussap naleqqussarneqarnissaa pisariaqartinneqarsimavoq, pingaartumik nukimmik atuiner-mut tamakkiisumillu aningaasartuutissanut piumasaqaatinut tunngatillugu, pissutigalugu silap pissusiani nillernerusumi kiassarneq pisariaqartinneqarsigut aamma ilaatigut nas-siussinermi akiliutissat peqqaatallutik Kalaallit Nunaanni sanaartorneq akisunerummat."

Iserit A/S peqatigalugu tunngaviumik isumaqatigiissuteqarfiginissaanut EMJ-Atcon Greenland A/S ajugaasuvoq Pinguaraqamullu suliniut ingerlatileruttorpaat. Tamatumuuna sanaartortitsisut, sanaartortitsinut siunnersortit, suliasinneqartartut SWECO Danmarkimiillu siunnersortit akornaminni suleqatigiinnerat iluarisimaarneqarpoq. Piujuaannartitsinerup uppernarsarneqartarnissaata aallunneqarnera DGNB-mut uppernarsaammit isumagineqartarpoq, tamassumalu pitsaasuunera Pisortap Nicolaj Sørensenip oqaatigaa: "Suliaruarsimasatta uppernarsarneqarnera inissinneqarpoq, aamma suliniummi piujuaannartitsinerup kusanartumik naqissuserneqarnera torrapoq. Eqqaamaannassavarput Kalaallit Nunaanni piujuaannartitsisuunissamat ineriartortitsineq siviissimammat, illuatungeriillu arllallit assigiinngitsut piujuaannartitsisuunissamat tapersiisimmamata."